

présente, & future: *quia omnia sunt nuda & aperta &c.* Parquoy mon filz, tu peulx facilement nonobstant ton tendre cerueau, comprendre que les choses qui doiuent auenir se peuuent prophetizer par les nocturnes & celestes lumieres, que sont naturelles, & par l'esprit de prophetie: non que ie me vueille attribuer nomination ni effect prophetique, mais par reuelée inspiration, comme homme mortel esloigné non moins de sens au ciel, que des piedz en terre, *Possum non errare, falli, decipi*: suis pecheur plus grand que nul de ce monde, subiect à toutes humaines afflictions. Mais estant surprins par foys la sepmaine lymphatiquant, & par longue calculation rendant les estudes nocturnes de souefue odeur, j'ay composé liures de propheties cōtenant chascū cēt quatrains astronomiques de propheties, lesquelles j'ay vn peu voulu raboter obscurément: & sont perpetuelles vaticinations, pour d'yci à l'an 3797. Que possible fera retirer le frôt à quelques vns en voyant si longue extension, & par souz toute la concavité de la lune aura lieu & intelligence: & ce entendent vniuersellement par toute la terre, les causes mon filz. Que si tu

B ij